



TUANKU Muhriz bersama Tunku Ampuan Besar Negeri Sembilan Tuanku Aishah Rohani Almarhum Tengku Besar Mahmud berkenan berangkat menghadiri Istiadat Pengurniaan Darjah Kebesaran, Bintang dan Pingat Sempena Hari Keputeraan Ke-74 di Istana Besar Seri Menanti, semalam.

HARI KEPUTERAAN KE-74 YANG DIPERTUAN BESAR NEGERI SEMBILAN

410 TERIMA PINGAT

Oleh Mohd Amin Jalil
am@hmetro.com.my

Seremban

Panglima Tentera Darat Jeneral Tan Sri Zamrose Mohd Zain mendahului senarai 410 penerima darjah kebesaran, bintang dan pingat sempena Hari Keputeraan ke-74 Yang Dipertuan Besar Negeri Sembilan Tuanku Muhriz Tuanku Munawir, semalam.

Zamrose, 60, dianugerahkan Darjah Seri Setia Negeri Sembilan Yang Amat Cemerlang (SSNS) yang membawa gelaran Datuk Seri.

Turut menerima darjah sama, Timbalan Pengurus Eksekutif Kumpulan Matrix Concepts Holding Berhad

Datuk Lee Tian Hock.

Penasihat Undang-Undang Negeri Sembilan Muzalmah Mustapha Kamal menerima Darjah Datuk Paduka Negeri Sembilan (DPNS) yang membawa gelaran Datuk.

Pengelola Bijaya Diraja Kapt (B) Azizi Mohamad Ali dan Datuk Johan Pahlawan Lela Perkasa Walad Kuala Dior Penghulu Luak Inas Mohammad Ariff Sidek adalah penerima anugerah Darjah Setia Tuanku Muhriz Yang Amat Gemilang (DSTM) yang membawa gelaran Datuk.

Selain itu, Ahli Dewan Negara Senator Dr Ahmad Azam Hamzah,

Pakar Perunding Kardiologi Hospital Serdang Dr Asri Ranga Abdullah Ramaiah, Pengarah Urusan & Rakan Operasi Tempatan McDonald's Malaysia Azmir Jaafar dan artis tempatan Wan Aishah Wan Ariffin antara 22 penerima Darjah Setia Bakti Negeri Sembilan (DBNS) yang turut membawa gelaran Datuk.

Seramai 11 individu pula menerima Darjah Setia Negeri Sembilan (DNS) termasuk Datuk Raja Balang Balai Undang Luak Jelebu Amrus

Alias dan Naib Presiden Persatuan Hoki Negeri Sembilan M Gobinathan. Tuanku Muhriz turut berkenan mengurniakan pingat Darjah Tuanku Muhriz (DTM) kepada dua penerima, Darjah Pe-

kerti Terpilih (DPT) kepada 31 penerima, Ahli Setia Negeri Sembilan (ANS) (43), Setiawan Tuanku Muhriz (STM) (seorang), Pingat Khidmat Cemerlang Masyarakat (PMC) (98) dan Pingat Jasa Kebaktian (PJK) (171).

Seramai 10 orang menerima Pingat Bentara Tuanku Muhriz (BTM) manakala 16 lagi menerima Pingat Khidmat Lama (PKL).

Istiadat pengurniaan darjah kebesaran Negeri Sembilan berlangsung di Balairung Seri, Istana Besar Seri Menanti di Kuala Pilah semalam bagi sesi pertama, sesi kedua pada 22 Januari dan sesi ketiga pada 27 Januari.

Artis tempatan Wan Aishah Wan Ariffin antara 22 penerima DBNS membawa gelaran Datuk